

Odbor za zdravlje

faul



Gospodin Edin Mušić, predsjednik Predstavničkog doma Parlamenta FBiH
Gospođa Lidija Bradara, predsjednica Doma naroda Parlamenta FBiH

9.5.2017.

Poštovani gospodine Mušiću i gospođu Bradara,

Pišemo vam u ime organizacija civilnog društva i grupa za javno zdravlje i kontrolu duhana kako bismo izrazili našu zabrinutost zbog pokušaja lobiranja duhanske industrije koja nastoji onemogućiti usvajanje značajne zdravstvene legislative koja je trenutno u proceduri u Parlamentu FBiH, kao i zbog neuspjeha Parlamenta FBiH da adekvatno implementira član 5.3 Okvirne konvencije Svjetske zdravstvene organizacije o kontroli duhana (FCTC).

Kao što znate, Bosna i Hercegovina je među zemljama sa najvišom prevalencijom pušenja među odraslima i najmanjom uspjehom implementacije mjera kontrole duhana u Europi. Pozdravljamo nedavne napore Vlade FBiH u cilju harmoniziranja legislative sa FCTC-om, te bismo vas željeli podsjetiti da, kao potpisnici FCTC-a, bh. institucije imaju obavezu da poduzmu dalje korake kako bi zaštitile proces kreiranja politike i zakona od interesa duhanske industrije.

Tokom posljednjih sedmica primijetili smo aktivno i otvoreno učešće duhanskih lobista iz kompanija Japanese Tobacco International, British American Tobacco, Philip Morris International i Imperial Tobacco na sastancima Klubova naroda, sjednicama Parlamenta, kao i veliki broj privatnih interakcija. Ova situacija predstavlja ozbiljno kršenje člana 5.3 FCTC-a koji je usmjeren ka očuvanju kreiranja politike zaštite javnog zdravlja od uplitanja duhanske industrije. Član 5.3 prepoznaje fundamentalni i nepomirljivi konflikt interesa između duhanske industrije i kreiranja politike zaštite javnog zdravlja. Također prepoznaje da je duhanska industrija već decenijama radila neumorno da odloži, blokira ili oslabi zdravstvene mjere koje spašavaju živote, poput onih koje sadržava FCTC.

Član 5.3 FCTC-a zahtjeva od svih potpisnika, da kada odlučuju o kreiranju zdravstvenih politika u oblasti kontrole duhana moraju „... djelovati tako da zaštite te politike od komercijalnih i drugih prikrivenih interesa duhanske industrije u skladu sa zakonom“. Prateće smjernice Svjetske zdravstvene organizacije navode da donosioci odluka „mogu imati interakciju sa duhanskom industrijom samo kada je to striktno neophodno radi omogućavanja efikasne regulacije duhanske industrije i duhanskih proizvoda“. Smjernice navode da „kada su interakcije sa duhanskom industrijom neizbježne, učesnici su dužni osigurati sprovođenje istih transparentno“.

Bosna i Hercegovina nije sama u suočavanju sa taktikama duhanske industrije. Ova industrija predstavlja izazov za kontrolu duhana i u državama koje su članice EU, kao i Ukrajini, Rusiji, Turskoj i drugim zemljama, posebno prilikom usvajanja i implementacije zakona usmjerenih ka zaštiti javnosti od smrtnih posljedica pušenja. Njeni napadi protiv legitimnih mjera zaštite javnog zdravlja jesu jasan pokušaj da se zastraše države od daljih nastojanja usvajanja efektivnih mjera. Ipak, odgovornost vlade jeste da zaštiti interese građana i usvoji efektivan zakon o kontroli duhana.

Napomena: Originalna verzija dostupna na engleskom jeziku

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PREMIJENI	09-05-2017	09-05-2017
09/23-02-414/17		

Mi stoga pozivamo Parlament FBiH da prepozna svoje obaveze predviđene FCTC-om i Članom 5.3, koji naglašava da politike javnog zdravlja moraju biti prioritet nad komercijalnim interesima industrije, posebno u ovom ključnom momentu dok se Nacrt zakona o kontroli i ograničenoj upotrebi duhana, duhanskih i ostalih proizvoda za pušenja u FBiH nalazi u proceduri.

Pored navedenog, a u cilju osiguranja efektivne kontrole duhana potrebno je uključiti sljedeće mjere:

1. Kreiranje okruženja koje je 100% oslobođeno od duhanskog dima radi efikasne zaštite od izloženosti duhanskom dimu u zatvorenim javnim prostorima, javnom prevozu, zatvorenim javnim mjestima, te ukoliko je neophodno i na drugim javnim mjestima;
2. Sveobuhvatnu zabranu reklamiranja, promovisanja i sponzorstva od strane duhanske industrije, uključujući i zabranu izlaganja duhanskih proizvoda;
3. Prikladno pakovanje i obilježavanje duhanskih proizvoda;
4. Zabranu prodaje duhanskih proizvoda osobama koje su maloljetne prema domaćem zakonu, državnom zakonu ili su ispod 18 godina starosti;
5. Sve druge odredbe koje određuje FCTC kako bi se smanjila potražnja za duhanom kao i proizvodnja distribucija, dostupnost i nabavka duhanskih proizvoda.

Duboko smo zabrinuti zbog velikog nivoa pristupa lobista duhanske industrije u Parlamentu FBiH. Podsjećamo da kao predsjednici Doma naroda i Predstavničkog doma Parlamenta FBiH, imate dužnost da poduzmete hitne aktivnosti kako biste osigurali adekvatnu implementaciju člana 5.3 FCTC-a i time zaštitili procese donošenja odluka u Parlamentu FBiH od uticaja lobiranja duhanske industrije. Ovo je zaista ključno kako bi se zaštitilo zdravlje javnosti i interesi bh. građana kroz adekvatne mjere i kako bi Parlament ispunio svoje UN obaveze.

Nadamo se vašem brzom reagovanju.

- | | |
|--|--|
| 1. Campaign for Tobacco Free Kids | 21. Foundation 'Smart Health – Health in 3D (Poland) |
| 2. ENSP | 22. Portuguese NGOs Tobacco Control Movement (Portugal) |
| 3. Framework Convention Alliance (FCA) for Tobacco Control | 23. CATR (Centre for Advocacy, Treatment and Rehabilitation/Centro de Apoio, Tratamento e Recuperação) (Portugal) |
| 4. The Smoke Free Partnership | 24. Youth for the Right to Live (Republic of Moldova) |
| 5. The Austrian Council on Smoking and Health (Austria) | 25. Platform for Active Citizenship and Human Rights Partnership (Republic of Moldova) |
| 6. Belgian Foundation against Cancer (Belgium) | 26. Center for Public Health and Analysis (Republic of Moldova) |
| 7. European Heart Network (Belgium) | 27. Aer Pur (Romania) |
| 8. Association PROI (BiH) | 28. No Excuse (Slovenia) |
| 9. Smoke-free Life Coalition (Bulgaria) | 29. Slovenska zveza za javno zdravje, okolje in tobačno kontrolo Slovenian Coalition for Public Health, Environment and Tobacco Control (Slovenia) |
| 10. BlueLink Foundation (Bulgaria) | 30. The National Committee for Smoking Prevention/Comité Nacional para la Prevención del Tabaquismo (Spain) |
| 11. Smokefree Bulgaria Association (Bulgaria) | 31. Action on Smoking and Health (UK) |
| 12. ASH (Finland) | 32. Advocacy Center Life (Ukraine) |
| 13. French Comité National Contre le Tabagisme (France) | |
| 14. DNF (France) | |
| 15. L'Alliance contre le Tabac (France) | |
| 16. The Tobacco Control Alliance (Georgia) | |
| 17. Global Network (Ireland) | |
| 18. Kosovo Advocacy and Development Centre (Kosovo) | |
| 19. Lithuanian Tobacco and Alcohol Control Coalition (Lithuania) | |
| 20. The Dutch Cancer Society (Netherlands) | |

Napomena: Originalna verzija dostupna na engleskom jeziku

Kabinet Predsjedavajućeg

From: Arijana Knežević <aknezevic.proi@gmail.com>
Sent: 9. maj 2017 11:50
To: kabinet.predsjudavajuceg@parlamentfbih.gov.ba;
edin.music@parlamentfbih.gov.ba; stela.ibrovic@parlamentfbih.gov.ba;
lidija.bradara@parlamentfbih.gov.ba; ured.predsjudatelja@parlamentfbih.gov.ba;
izmir.hadziavdic@parlamentfbih.gov.ba
Subject: Otvoreno pismo - Kršenje Člana 5.3 Okvirne konvencije o kontroli duhana
Attachments: Opent Letter - Breach of FCTC 5.3.pdf; Otvoreno pismo - kršenje FCTC 5.3.pdf

Poštovani/a,

U prilogu vam šaljem Otvoreno pismo upućeno predsjedniku Predstavničkog doma Parlamenta FBiH Edinu Mušiću i predsjednici Doma naroda Parlamenta FBiH Lidiji Bradari koje je potpisalo preko 30 organizacija civilnog društva i grupa za javno zdravstvo i kontrolu duhana, a vezano za nedavno kršenje Člana 5.3 Okvirne konvencije o kontroli duhana i uplitanje duhanske industrije u rad Parlamenta FBiH.

Originalna verzija Otvorenog pisma na engleskom jeziku, kao i prevedena verzija dostupne su u prilogu.

Za sva dodatna pitanja stojim na raspolaganju.

Srdačan pozdrav,

--
Arijana Knežević
Communication Manager

Celebrating 15 years of PROI



Progressive Reinforcement of Organizations and Individuals
www.proi.ba